



Baldvini Cabilliavi E Soc. Iesv Magdalena

Cabilliau, Baudouin

Antwerpen, 1625

Elegia X. Fides Magdalenam hortatur ad Spem.

[urn:nbn:de:hbz:466:1-70461](#)

Quæ decus ut dotale sui transcriptis honoris,
 Permulsens tenerâ vulnera dura manu;
 Terna soror Solymis procûl auolat, auolat oris,
 Et Superum pennâ remige carpit iter.
 Ut lux hæc oculis euanuit admirantis;
 Magdala suspirans hæsit, & obstupuit:
 Atroniisque oculis latè æthera circumspexit,
 Et tandem molli gramine decubuit.
 Hic tremit, hic suspirat, hiatq; in vota, querelasq;
 Inque ærumno as labitur, heu! lacrymas.
 Multa gemit, & multa suo cum corde volutat,
 Versat & alternâ dona ter vna manu:
 Illacrymatq; super, vultumq; supinat Olympos,
 Rursus & immersit ora supina solo:
 Desurgitque toro, & reuoluta recumbit in herbas;
 Denuò surgit humo, denuò prona cadit.
 Quid faciat, nescit, tot fluctuat ebria curis:
 Cunctaque cum faciat, nil tamen ipsa facie.

E L E G I A X.

Fides MAGDALENAM hortatur ad Spem.

TRISTE virens Solymas cyparissus inum-
 brat arenas,
 Incestatq; nigrum silua maligna nemus. (brâ,
 Hic gemit, exspiratq; graui rea Nympha sub um-
 Et laxat querulis anxia frena modis:
 Fixa caput trûco; Scythicâ ceu rupe Prometheus,
 Cui rodit lacerum præpes adunca iecur.
 Ambustumque latus, teloque tricuspidate fumans,
 Versat in herboso cespite semianimis.

Quam

Quā propè flāma repens imo proserpit Auerno
Ebullitque nigro feruidus amne latex!
Sollicitumque latus sēuos admordet ad ignes
Flamma procax: dirus serpit in offa latex.
Oppedit, & sicco luctantur verba palato,
Imbricitorque trahit nubila mœsta dolor.
Astrigero ab solio Deus aspicit exspiranteim,
Et leuat ærato libera colla iugo.
Ecce, repens Cælo fundi lux visa sereno:
Discutit auratum noctis opaca iubar.
Tum demum in niueâ stetit obuia Diua coronâ;
Cui nitidis oculis Iris amœna niter:
Aurea cœruleo cui vibrat inauris elenco,
Sapphirusque sacris stellat in articulis:
Et stola sidereis perlucet amœna pyropis,
Ac radiat canis flava corona comis.
Eloquio os dulci, dulci sua lumina risu
Temperat, & blandis annuit alma genis:
Hæc quā progreditur, Superūm stipata cateruâ;
Et comes ambrosio de pede fragrat odor.
Mens illi non dura, sed exorabile numen,
Et facili crudos aure bibit gemitus.
Læta spei placido si quem delibat ocello;
Mox leuat horrifico libera corda metu.
Aspice; Magdaleas simul attigit illa catenas,
Vincula ferratâ dissiliere manu.
Noxa vetus cadit, ira cadit, cadit ansa doloris,
Ut posuit sœuas Vindicis ira minas.
Quæ ferrum ut rupit anguinis textile nodis;
Cælitium suader aurea sceptra sequi.
Eia, quid incestâ moribunda recumbis in umbra?
Et violas viuo funere triste solum?

Me

Me duce sidereas noua subuehe vota per arces;
 Hac via. securum curre salutis iter.
Magna via it Cælo; magnis huc passibus itur;
 Et tua spes modico repit ad alta gradu?
Aut potius dira te compede detinet Orcus;
 Vel timor ingenti pectora mole grauat?
O vtinā scelus hinc, hinc nobile pondus Amore,
 Libra biceps iustis temperet æqua modis!
Sit licet immensum scelus, & cor deprimat Orco;
 Vincet adhuc maior gratia grande nefas:
Si modò concordi tibi fœdere iungat I E S V M
 Vna Fides, vnum pectus, & vnum Amor.
Iunge manū: tibi dedo fidem, tibi sancio Numen:
 I, tenui radio quā trahit, astra sequi.
Antè tamen puro tua crima dilue fletu,
 Quæ tibi mors piceis illinit atra notis.
Vt Siloë Solymos illimis oberrat in agros,
 Feruidaque egelido temperat arua vado;
Cut & non oculus fontis fluit instar in artus,
 Semustumque tepens frigerat vnda latus?
Dixit, & vt digitum Siloës intendit ad amnem,
 Magdaleum ambrosio spargit odore caput:
Libauitque sacrâ virgâ, speisque omine firmans,
 Sancit alternâ fœdera pacta manu.
Ilicet ardentes gelidâ sibi temperat artus
 Magdalís, vt fidâ combibit aure Fidem.
Iamque vigil vibrat illa, graui iam libera nexu,
 Emicat in superas ardua Diua plagas:
Diffunditque pares gemino de lumine riuos;
 Quéis salit irriguis bina scatebra genis.
Ret Siloës lymphis oculo non parcior amnis;
 Magdalís vnde nefas delet, alitque decus.

Forte

Fortè suburbanis si quis spatiatus in hortis,
 Viderit has oculis ire viator aquas;
 Hic quæret : Gemino quâ manat in agmine
 fletus?
 An Siloë ad Siloen alter & alter eat?

ELEGIA XI.

Spes obvia MAGDALENAM solatur.

MAGDA LA fulmineis latus vndique cincta
 sagittis,
 Ut satis incubuit cespite gramineo:
 Terconatur humo fessum sustollere corpus,
 Ter rursum viridi lapsa recumbit humo.
 Et tandem accumbit pacatae accliuis oliuæ,
 Nescia quâ flectat languidulo latere.
 Nunc hac triste caput, nunc illac languida versat,
 Multa graui meditans pectore, multa gemens.
 Vedit (vti palmæ tum fortè sedebat in vmbra)
 Spes ægris animis non malè grata comes.
 Quæ simul ac mœsto tot legit in ore dolores,
 Impulit argutæ plectra diserta lyræ:
 Et sua vocali chely verba maritat & aures,
 Tinnula cui tremulum stamina crispat ebur.
 Quaque canit, resonis concors vox accinit antris,
 Argutantque pares æmula saxa sonos.
 Nympha quid infelix tantis ah vrere curis
 Saucia? Spes leni murmure blanda canit.
 Diuidæ, ærumnæque, catenatiique dolores,
 Ac dolus, & mundi te labor asper habet?
 Ac fallit Cypriis te myrtus adultera tædis,
 Teque premunt diro feta pericla metu?

Fulmi-